

# SSV Mühlwald - ACD Val Badia

Beigesteuert von Renato  
Letzte Aktualisierung lunedì, 09 agosto 2021

Domènia, 04. otober 2020

SSV Mühlwald - ACD Val Badia: 1 - 0

Plöia, granijores y mazades. Dêr na burta partida senza degun jüch

Bele tratan le scaldament à tuti te i sogadus ne bela granijorada, tratant feter dōta la burta partida al plovú. Freit y n cîl curí à fat da cornisc al burt spetacl te ciamp. Al é sté na der burta partida caraterisada da der, der trōc fai de jüch. Ince valch de burc. Al é joré trōpes amoniziuns da trames les perts. Ince le publich de ciasa an aldí der trōp cun só scraié posoch. Pró vigni fal subí dai ladins él sté na cornisc de: "aauu", "aauu". Jüch al palê ne él sté begn der püch da odei.

La VB met man bun, fajon druch. Sōn na bela aziun danter deplú sogadus ladins rōia "Olex" Stampfer ala trata püch dan aria. Chesta à portier bele batú robat sōn la stangia de porta. Sfortüna bagnada. Al 22<sup>^</sup> de jüch rōia na crosada alta en toch dan aria al set M.Gasser che la roda al jore te porta de Ferdigg. Le curan rōia sot l' incrujada alta sōn la man ciampa dl un dla VB ite te porta. N gran bel gol. Sōn le entusiasms dl vantaje ciafa i "Mühwalderi" trōp druch y la VB ne nia buna atira da avei na reaziun che podess porté al pêr. Sōn la fin dla partida à le capitan Matti Stampfer deplú de bunes ocaggiuns por le gol dl pêr. Mó le portier I.Knapp à fat deplú de beles parades tignin súa porta stravardada dal gol. Sambegn dô le fin dla partida gran festa por i "Mühwalderi" y begn püch o nia da porté à ciasa por la Val Badia.

Formaziun Val Badia: 1.Rene Ferdigg, 2.Federico Pellegrini, 3.Mattia Kastlunger (Dylan Liotto), 4.Alex Stampfer, 5.Kevin Ferousoch, 6.Paolo Adami, 7.Heinrich Conrater (Alexander Ploner), 8.Roberto Del Negro, 9.Simone Masoch, 10.Matthias Stampfer (capitan), 11.Enrico Farenzena (Gabriel Prada).

Alenadú: Cristian Curti.

Proscima partida: en domenia, ai 11 d' otober 2020 da les 15.30 cuntra l' Alta Val de Puster sōn la plaza "Pradel" a San Martin de Tor.